



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-230-6/25–ME/ES

Tuzla, 11.03.2025. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije za javne nabavke date u Zapisniku o pregledu i ocjeni ponuda broj: 03-11-7-230-4/25–ME/ES od 10.03.2025. godine, donosi se

O D L U K A

o izboru najpovoljnijeg ponuđača u postupku javne nabavke usluga standardizacije – certificiranja i recertificiranja po ISO standardima

Član 1.

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljniji ponuđač u postupku javne nabavke usluga standardizacije – certificiranja i recertificiranja po ISO standardima, bira Institut za certificiranje sistema d.o.o. Sarajevo sa cijenom ponude u iznosu od 34.188,00 KM bez uračunatog PDV-a odnosno 39.999,96 KM sa uračunatim PDV-om.

Član 2.

Ova Odluka će se dostaviti ponuđaču koji je učestvovao u predmetnom postupku javne nabavke, u skladu sa članom 70. stav (2) Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđaču koji je učestvovao u postupku javne nabavke.

Član 4.

Odluka stupa na snagu danom donošenja.

OBRAZLOŽENJE

Postupak javne nabavke usluga standardizacije – certificiranja i recertificiranja po ISO standardima, pokrenut je Odlukom o pokretanju postupka javne nabavke, broj: 03-11-7-230-1/25–ME/ES od 24.02.2025. godine.

Postupak javne nabavke proveden je putem konkurentskog zahtjeva za dostavu ponuda, za koji je u informacionom sistemu "e-nabavke", dana 24.02.2025. godine, objavljeno Obavještenje o nabavci, broj: 793-7-2-18-3-42/25.

Rok za dostavljanje ponuda bio je 07.03.2025. godine, do 11:00 sati.

Javno otvaranje ponuda održano je dana 07.03.2025. godine, u 11 sati i 30 minuta, u prostorijama Zavoda (Franjevačka broj 36., Tuzla).

U Zapisniku sa otvaranja ponuda broj: 03-11-7-230-3/25–ME/ES, je utvrđeno da je u predmetnom postupku nabavke ponudu dostavio ponuđač Institut za certificiranje sistema d.o.o. Sarajevo sa cijenom ponude u iznosu od 34.188,00 KM bez PDV-a odnosno 39.999,96 KM sa PDV-om.

Za predmetnu nabavku predviđena je e-aukcija, ali s obzirom da je dostavljena samo jedna prihvatljiva ponuda, e-aukcija koja je bila predviđena nije sprovedena, te se postupak okončava u skladu sa članom 4. stav (2) Pravilnika o uslovima i načinu korištenja e-aukcije ("Službeni glasnik BiH", broj: 80/23).

Nakon pregleda i ocjene ponude, sačinjen je Zapisnik o pregledu i ocjeni ponuda broj: 03-11-7-230-4/25–ME/ES od 10.03.2025. godine, koji sadrži sve elemente i obrazloženja u vezi pregleda i ocjene ponuda dostavljenih u predmetnom postupku javne nabavke, kao i Preporuku Komisije za javne nabavke ovom Ugovornom organu da donese Odluku o izboru najpovoljnijeg ponuđača kojom se bira ponuđač Institut za certificiranje sistema d.o.o. Sarajevo sa cijenom u iznosu od 34.188,00 KM bez PDV-a odnosno 39.999,96 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.


Uzimajući u obzir sve naprijed navedeno, odlučeno je kao u dispozitivu ove Odluke.

UPUTSTVO O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od pet (5) dana od dana prijema ove Odluke.

Dostavljeno:

1. Ponuđaču (s dostavnicom)
2. a/a



DIREKTOR

Doc.dr.sc. Denis Husić, dipl. pravnik